



**REPUBLIKA E SHQIPËRISË  
KOMISIONI QENDROR I ZGJEDHJEVE**

**PËR MIRATIMIN E LISTAVE SHUMEMËRORE TË KANDIDATËVE PËR ANËTARË NË  
KËSHILLIN E BASHKIVE TË DEPOZITUARA NGA PARTIA ALEANCA ARBNORE  
KOMBËTARE, PJESTARE E KOALICIONIT "ALEANCA PËR SHQIPËRINË EUROPIANE",  
PËR ZGJEDHJET PËR ORGANET E QEVERISJES VENDORE TË DATËS 30 QERSHOR 2019**

Komisioni Qendror i Zgjedhjeve në mbledhjen e datës 22.05.2019, me pjesëmarrjen e:

Klement	ZGURI -	Kryetar
Denar	BIBA -	Zv.Kryetar
Bledar	SKËNDERI-	Anëtar
Edlira	JORGAQI-	Anëtare
Rezarta	BITRI-	Anëtare

Shqyrtoi çështjen me:

**OBJEKT:** Për pranimin e listave shumemërore të kandidatëve për anëtar në Këshillin e Bashkisë Lushnje, Tiranë, Lezhë, Korçë, Vlorë të paraqitura nga Partia Aleanca Arbnore Kombëtare, pjesëtare e Koalicionit "Aleanca Për Shqipërinë Europiane", për zgjedhjet për organet e qeverisjes vendore të datës 30 qershor 2019

**BAZË LIGJORE:** Neni 23, pika 1, germa "a", dhe neni 73, pika 1, të Ligjit nr.10019, datë 29.12.2008 "Kodi Zgjedhor i Republikës së Shqipërisë", i ndryshuar.

Komisioni Qendror i Zgjedhjeve pasi shqyrtoi dokumentacionin e paraqitur nga Partia Aleanca Arbnore Kombëtare, si dhe dëgjoi diskutimet e përfaqësuesve të partive politike,

**V Ë R E N:**

Partia Aleanca Arbnore Kombëtare, me vendimin e KQZ-së nr. 229, datë 27.4.2019, është regjistruar si subjekt zgjedhor për zgjedhjet për organet e qeverisjes vendore të vitit 2019. Me vendimin e KQZ-së nr.251, datë 7.05.2019, është regjistruar koalicioni "Aleanca për Shqipërinë Europiane", pjesë e të cilit është dhe Partia Aleanca Arbnore Kombëtare.

Në bazë të nenit 67, dhe nenit 72, të ligjit nr. 10019, datë 29.12.2008 "Kodi Zgjedhor i Republikës së Shqipërisë", ka depozituar në KQZ listën shumemërore të kandidatëve të saj për anëtar në Këshillin e Bashkive Bashkive Lushnje, Tiranë, Lezhë, Korçë, Vlorë.



**Nr. 618 i Vendimit**

**Data 22.05.2019**

**Ora 11:00 e Vendimit**

Për miratimin e listave shumemërore të kandidatëve për anëtar në Këshillin e Bashkive të paraqitura nga "Partia Aleanca Arbnore Kombëtare", pjesëtare e Koalicionit "Aleanca Për Shqipërinë Europiane", për zgjedhjet për organet e qeverisjes vendore të datës 30 qershor 2019

Në bazë të nenit 67, pika 3, KQZ duhet të regjistrojë kandidatët për kryetar apo për këshillin e bashkive Lushnje, Tiranë, Lezhë, Korçë, Vlorë administrohen nga më shumë se një KZAZ.

Bashkëlidhur kërkesës është depozituar dhe dokumentacioni përkatës, si më poshtë:

1. Listat shumemërore të kandidatëve për anëtar në Këshillin e Bashkive Lushnje, Tiranë, Lezhë, Korçë, Vlorë;
2. Deklaratat e kandidatëve të listave shumemërore, të cilët deklarojnë se gëzojnë të drejtën dhe vullnetin për të kandiduar për anëtar këshilli në Këshillin e Bashkive Lushnje, Tiranë, Lezhë, Korçë, Vlorë të propozuar nga Partia Aleanca Arbnore Kombëtare;
3. Kopje të dokumentit të identifikimit për të gjithë kandidatët e listave shumemërore;
4. Vërtetim i Kuvendit të Shqipërisë, nr. 1851/1. prot., datë 09.05.2019, sipas të cilit vërtetohet se Partia Socialiste, përfaqësohet nga 74 deputetë në Kuvendin e Republikës së Shqipërisë.
5. Jetëshkrimin për të gjithë kandidatët e listës shumemërore;
6. Formularin e vetëdeklarimit, në zbatim të ligjit 138/2015 "Për garantimin e integritetit të personave që zgjidhen, emërohen ose ushtrojnë funksione publike".
7. Procesverbal i dorëzimit të dokumentave të kandidimit.

Në mbledhjen e datës ---.05.2019 në bazë të nenit 73, të Kodit Zgjedhor, Komisioni Qendror i Zgjedhjeve verifikoi listat shumemërore të kandidatëve për këshillin e Bashkive Lushnje, Tiranë, Lezhë, Korçë, Vlorë të Partisë Aleanca Arbnore Kombëtare dhe dokumentacionin bashkëngjitur të paraqitur dhe konstatoi se është në përputhje me kërkesat e parashikuara nga neni 67, pika 2, 4, 5 dhe 6 dhe neni 72 të Kodit Zgjedhor.

Në zbatim të ligjit nr. 138/2015 "Për garantimin e integritetit të personave që zgjidhen, emërohen ose ushtrojnë funksione publike", verifikoi të dhënat në formularët e vetëdeklarimit për secilin kandidat të listës shumemërore. Nga verifikimi i të dhënave në formularin e vetëdeklarimit, rezulton se:

**Bashkia Lezhë, Nr. 5 Rendor, Zef Lazri** ka deklaruar në pikën 5 të formularit se ka qënë i ndaluar apo arrestuar nga organet ligjzbatuese për shpërdorim detyre.

Komisioni Qendror i Zgjedhjeve në zbatim të ligjit nr. 138/2015 "Për garantimin e integritetit të personave që zgjidhen, emërohen ose ushtrojnë funksione publike" dhe kreut V, pika 2, germa "b" dhe pikës 3, germa "c", të vendimit të Kuvendit nr. 17/2016 "Për përcaktimin e rregullave të detajuara mbi zbatimin e ndalimeve të parashikuara në ligjin nr. 138/2015", ka kërkuar informacion nga zyra e gjendjes gjyqësore dhe zyra e gjendjes civile nëpërmjet shkresave si dhe nëpërmjet postës elektronike për kandidatët për anëtarë në këshillin bashkiak, që kanë dorëzuar formularët e vetëdeklarimit në Komisionin Qendror të Zgjedhjeve.

Zyra e gjendjes gjyqësore ka dërguar në Komisionin Qendror të Zgjedhjeve, verifikimin e gjendjes gjyqësore për kandidatët për anëtarë në këshillat bashkiak, nga ku rezulton se:

- **Bashkia Fier, Nr. 3 Rendor Rakip Xhaferri**, në bazë të Vendimit të Gjykatës së rrethit Fier është deklaruar fajtor për krimin e të pushojë gjykimin e ceshtjes penale në ngarkim të të pandehurit Rakip Xhaferi i akuzuar për veprën penale të fyerjes për shkak të detyrës të kryer botërisht të parashikuar nga neni 240/2 të kodit penale për shkak të heqjes dorë nga të dëmtuarit akuzues. Rehabilitohet neni 69 i K.P.
- **Bashkia Tiranë, Nr. 10 Rendor, Valbona Onjea**, vendim nr.2053, datë 21.06.2016 Gjykata e rrethit gjyqësor Tiranë, e deklaroi afjtor për veprën penale punësim i paligjshëm, bazuar në nenin 170/A/1 KP dhe 406 Kprp dënohet me 600 mijë lekë gjobë, rehabilituar në bazë të nenit 69 K.P.



- **Bashkia Tiranë Nr. 11 Rendor, Bledar Mullaj**, me vendim nr.334, datë 8.11.2001 Gjykata e rrethit Fier e deklaroi fajtor për veprën penale drejtim automjeti pa dëshmi aftësie e në bazë të nenit 291 KP e dënonte me 80 000 lekë gjobë. Rehabilituar në bazë të nenit 69 K.P.
- **Bashkia Tiranë Nr. 13, Bashkim Celiku**, me vendim nr.49, datë 29.9.1972 Gjykata ushtarake Shkodër e deklaroi fajtor për veprën penale largim nga reparti pa lejen e komandës, duke mos u paraqitur në krye të detyrës për një kohë për më tepër se 10 ditë e në bazë të nenit 306, 50, KP u dënua me një vit heqje lirie me kusht dy vjet. Rehabilituar në bazë të nenit 69 K.P.
- **Bashkia Tiranë Nr.19, Niko Zherdi**, me vendim nr. 47, datë 21.8.1957, Gjykata e rrethit Gjyqësor Tepelenë e ka deklaruar fajtor për veprën penale fyerje përfaqësuesit të shtetit, neni 244 i kodit Penal dënua me 5000 lek gjobë. Rehabilituar në bazë të nenit 69 Kodit penal.
- **Bashkia Vlorë, Nr. 6 Rendor, Pëllumb Pashaj**, në bazë të vendimit nr.411, datë 20.09.2012 të Gjykatës së rrethit Gjyqësor Vlorë është deklaruar fajtor për veprën penale përdorim me keqdashje i thirrjeve telefonike parashikuar nga neni 275, të Kodit penal dënohet me 60.000 lekë gjobë. Rehabilituar në bazë të nenit 69 të Kodit Penal.

Komisioni Qendror i Zgjedhjeve, referuar pikës 2, paragrafi i fundit, të kreut V të vendimit nr. 17/2016 të Kuvendit, konstatojnë se për personat e shënuar në listën shumëmemërore të dhënat e tyre nuk përbëjnë kusht për mosregjistrimin si kandidatit për këshillin e bashkisë, sipas ligjit nr. 138/2015.

KQZ gjithashtu ka bërë publikimin e formularëve të vetëdeklarimit në faqen zyrtare të internetit. Komisioni Qendror i Zgjedhjeve, bazuar në nenin 73, pika 1, të Kodit Zgjedhor, në mbledhjen e datës 22.05.2015, verifikoi listat shumëmemërore të kandidatëve për anëtar në Këshillin e Bashkisë Lushnje, Tiranë, Lezhë, Korçë, Vlorë dhe dokumentacionin bashkëngjitur, të depozituar nga Partia e Aleanca Arbnore Kombëtare dhe konstatoi se ishte në përputhje me kërkesat e parashikuara në nenin 67, pikat 2, 4, 5, dhe 6, nenin 72 të Kodit Zgjedhor.

#### **PËR KËTO ARSYE:**

Komisioni Qendror i Zgjedhjeve mbështetur në nenin 23, pika 1, germa "a", nenin 67, pikat 2, 4, 5, dhe 6, nenin 72, dhe nenin 73, pika 1 të Ligjit nr.10019, datë 29.12.2008 "Kodi Zgjedhor i Republikës së Shqipërisë", i ndryshuar.

#### **V E N D O S I:**

1. Miratimin e listave shumëmemërore të kandidatëve për anëtarë të Këshillin e Bashkive Lushnje, Tiranë, Lezhë, Korçë, Vlorë të Partia Aleanca Arbnore Kombëtare, pjesëtare të Koalicionit "Aleanca Për Shqipërinë Europiane", në zgjedhjet për organet e qeverisjes vendore të datës 30 qershor 2019, sipas lidhjes nr. 1, bashkëlidhur këtij vendimi.
2. Ky vendim hyn në fuqi menjëherë.
3. Kundër këtij vendimi mund të bëhet ankim në Kolegjin Zgjedhor pranë Gjykatës së Apelit Tiranë, brenda 5 ditëve nga shpallja e tij.

<b>Klement</b>	<b>ZGURI -</b>	<b>Kryetar</b>
<b>Denar</b>	<b>BIBA -</b>	<b>Zv.Kryetar</b>
<b>Bledar</b>	<b>SKËNDERI-</b>	<b>Anëtar</b>
<b>Edlira</b>	<b>JORGAQI-</b>	<b>Anëtare</b>
<b>Rezarta</b>	<b>BITRI-</b>	<b>Anëtare</b>

